

Morning Dogri (NSD) National News Bulletin 27-04-2024

आकाशवाणी

- लोकसभा चुनावों के लिए गेड़ के मतदान के कुल 12 राज्यों के केन्द्र शासित प्रदेश जम्मू कश्मीर के एक सीट के सने कुल 88 सीटों पर 61.88 लोकें वोट पाए।
- चुनावों के अगले गेड़ के प्रचार अभियान के जारे-शारे जारी। बीजेपी के वरिष्ठ लीडर नरेन्द्र मोदी के कांग्रेस के प्रियंका गांधी अज्ज महाराष्ट्र के चुनावों के रैलियां के करंगन।
- जम्मू कश्मीर के सोपौर जिले के एक टाकरे के दुरान सुरक्षाबले दुरु आतंकवादिएं के मारी मकाया ऐ।
- मौसम विभाग के ओडिशा के पच्छिम बंगाल के तेज गर्मी के पेशगोई के करदे होई रैड अलर्ट जारी कीता ऐ।
- आईपीएल के कुल पंजाब किंग्स के कोलकाता नाईट राईडर्स के 8एं विकेटें कन्ने हराया। अज्ज दिल्ली कैपिटल्स के मकाबला मुंबई इंडियन्स के राजस्थान रॉयल्स के लखनऊ सुपर जायंट्स के टीम कन्ने होग।

<><><><><><>

60.96 Voter

लोकसभा चुनावों के लिए गेड़ के कुल 60.96 फीसदी मतदान दर्ज कीता गेआ। इस गेड़ के 88 लोकसभा सीटों पर वोट पाए गे। वोटिंग आम तौर पर शांतिपूर्ण तरीके कन्ने होई के गर्मी के बावजूद मतदाताएं के उत्साह दिक्खेआ गेआ। 13 राज्यों के केन्द्र शासित प्रदेशों के मतदाताएं अपने मत अधिकार के इस्तेमाल कीता। इस के दुरान केरल के 20, कर्नाटक के 14, राजस्थान के 13, उत्तर प्रदेश के महाराष्ट्र के 8-8, मध्यप्रदेश के 6, असम के बिहार के 5-5, पच्छिम बंगाल के छत्तीसगढ़ के 3-3 के त्रिपुरा, मणिपुर के जम्मू कश्मीर के 1-1 सीट आस्तै वोट पाए गे। मध्यप्रदेश के बेतुल सीट पर होने आला मतदान बीएसपी के मेदवार के मौत कारण हुन त्रिये गेड़ के होग। निर्वाचन आयोग के आक्खेआ ऐ के कड़ी कनून बवस्था के कड़े सुरक्षा इंतजामें हेठ मतदाताएं बगैर कुसै डर-त्राह के वोट पाए। 1 लक्ख कोला मते मतदान केन्द्रों पर वैब कास्टिंग कीती गेई हे।

छत्तीसगढ़ दे बस्तर संभाग दे 102 ग्राएं च पैहली बारी लोकसभा मतदान होआ। खास तौरा पर बेगोरे-पिछड़े दे जनजातीय समूह, बुर्जुग, नोजवान, पैहली बारी मतदान करने आले मतदाता, महिला, ट्रांसजेंडर मतदाताएं दी सुविधा आस्तै खास इंतजाम कीते गे हे। साढ़े संवाददाता नै खबर दितती ऐ जे दुए गेड़ च जेहड़े दिग्गज मेदवारें दी किस्मत दा फैसला होग, उंदे च केरल दे वायनाड थमां कांग्रेस नेता राहुल गांधी ते भारतीय कम्युनिस्ट पार्टी दी ऐनी राजा, तिरुवनंतपुरम थमां केन्द्रीय मंत्री राजीव चन्द्रशेखर ते कांग्रेस नेता शशि थरूर, बेंगलुरु दक्खन थमां बीजेपी दे तेजस्वी सूर्या, मथुरा थमां बीजेपी मेदवार हैमा मालिनी शामिल न।

<><><><><><>

Campaigning

प्रधानमंत्री ते बीजेपी दे वरिष्ठ नेता नरेन्द्र मोदी होर अज्ज संजा 5 बजे महाराष्ट्र दे कोल्हापुर दी तपोवन भूमि च जनसभा गी संबोधत करगंन। ओहू कोल्हापुर दे महायुति दे मेदवार ते मजूदा सांसद संजय मांडलिक ते हतकनंगले थमां मेदवार धैर्यशील माने हुंदे हक्कै च प्रचार करगंन। कांग्रेस महासचिव प्रियंका गांधी अज्ज महाराष्ट्र दे लातूर च पार्टी मेदवार डॉ. शिवाजी कलगे हुंदे आस्तै समर्थन किट्ठा करगंन। बीजेपी नै इस सीट थमां मजूदा सांसद सुधाकर श्रंगारे होरें गी फही मेदवार बनाया ऐ।

<><><><><><>

Encounter

जम्मू कश्मीर च उत्तरी कश्मीर दे बारामुला जिले चे सोपोर दे नौपाड़ा इलाके च सुरक्षा बलें कन्नै छिड़े दे इक टाकरे च दऊं आतंकवादी मारे गे न। मारे गेदे आतंकवादिएं दे कब्जे चा थेआर ते गोला बरूद बरामद कीता गेआ ऐ। एहदे शा पैहले वीरवारें आतंकवादिएं दी मजूदगी बारे इक सूह थहोने पर कारवाई करदे होई जम्मू कश्मीर पुलस, फौज ते सीआरपीएफ दी सांझी टीम नै इलाके गी घेरियै तुपाई अभियान चलाया हा जेहदे बाद कल दिने आतंकवादिएं आस्सेआ फाइरिंग दे बाद टाकरा भखी गेआ ते सुरक्षाबलें गी दौनें आतंकवादिएं गी मारी मकाने च कामयाबी हासल होई।

<><><><><><>

Navy

भारतीय नौसेना दे स्वदेशी आईएनएस सहायदरी नै यूके लिटोरल रिस्पांस ग्रुप दक्खन दे रॉयल नेवी दे RFA Argus ते RFA Lyone Bay दे कन्नै समुंद्री सांझेदारी अभ्यास च हिस्सा लैता। इस अभ्यास कन्नै दौनें नौसेनाएं दे बश्कार युद्ध कौशल दा बाद्धा होग। अभ्यास च समुंद्री सांझेदारी गी मजबूत करने आस्तै समर्पन दी भावना दस्सी गई।

<><><><><><>

Weather

मौसम विभाग नै ओडिशा ते पच्छम बंगाल दे गंगा कन्नै लगदे इलाकें च अगले किश दिनें च बड़ी मती लूह चलने दा रैड अलर्ट जारी कीता ऐ। बिहार दे किश हिस्सें, झारखंड, तेलंगाना, रायलसीमा, अंदरला कर्नाटक, तमिलनाडू, पूर्वी उत्तर प्रदेश, केरल, माहे, कोंकण, पच्छम उत्तर प्रदेश, तटीय आंध्रप्रदेश ते यामन च 30 अप्रैल तोड़ी मती गर्मी दी संभावना दी मेद जताई ऐ। 30 अप्रैल तोड़ी गै गंगा कन्नै लगदे पच्छम बंगाल, ओडिशा ते पच्छम बंगाल दे किश उप-हिमालयी इलाकें च बी बड़ी मती गर्मी दे असार न। त्रिपुरा, केरल, माहे, तटीय कर्नाटक, तमिलनाडू, पुदेचेरी, करईकल, असम, मेघालय, कोंकण ते गोवा च ऐतवार तोड़ी उमस भरी गर्मी दी संभावना ऐ। इस दरान मौसम विभाग नै आक्खेआ ऐ जे दिल्ली च अज्ज बद्दल छाए दे रौंहगन ते कन्नै हल्की बरखा बी पेई सकदी ऐ। राजधानी च अगले 2 दिनें तोड़ी मते कोला मते तापमान 39 डिग्री सैल्सियस दे कोल-कश रौंहग।

<><><><><><>

IPL

आईपीएल क्रिकेट च अज्ज दऊं मैच खेड्डे जांगन। पैहला मैच दिल्ली च दिल्ली कैपिटल्स ते मुंबई इंडियन्स बश्कार साढत्रे 3 बजे शुरू होग जिसलै जे दूआ मैच संजा साढे 7 बजे लखनऊ च खेड्डेआ जाग जेह्दे च राजस्थान रॉयल्स दा मकाबला लखनऊ सुपर जायंटस कन्नै होग। एल्लै अंक तालिका च राजस्थान रॉयल्स पैहले नंबर पर ते लखनऊ सुपर जायंटस चौथे नंबर पर ऐ। दिल्ली कैपिटल्स 9 चा चार मैच जित्तिथै 6मीं थाहरै पर जिसलै जे मुंबई इंडियन्स 8एं चा त्रै मैच जित्तिथै 9मीं थाहरे पर ऐ। एह्दे शा पैहले कल रातीं कोलकाता च खेड्डे गेदे इक शानदार मकाबले च पंजाब किंग्स नै कोलकाता नाईट राईडर्स गी 8एं विकटें कन्नै हराई दित्ता।

पैहले बल्लेबाजी करदे होई कोलकाता नै 20एं ओवरें च 6 विकटें दे नुक्सान पर 261 रंज बनाए। जेह्दे परते च पंजाब दी टीम नै 18 ओवर 4 गेंदें च पंजाब दी टीम नै दऊं विकटां मोआइयै 262 रंज दा लक्ष्य हासल करी लैता। 8एं मैचें चा 5 मैच जित्तियै कोलकाता नाईट राईडर्स अंक तालिका च दुए नंबरै पर जिसलै जे पंजाब 9 चा त्रै मैच जित्तियै 8मीं थाहरै पर ऐ।

<><><><><><>

IAF

भारती वायु सेना नै डिजीटल इंडिया कार्यक्रम दे अंतगर्त प्रमुख च दस्तावेजें गी सुरक्षत ते आसान इस्तेमाल लेई डिजी लॉकर प्लेटफार्म दे कन्नै जोड़ेआ गोआ ऐ। नमीं दिल्ली च वायु सेना मुख्यालय वायु भवन च अज्ज इलैक्ट्रनिक ते सूचना प्रौद्योगिकी मंत्रालय दे कन्नै वायु सेना नै डिजी लॉकर दे सुरक्षत ते सुलभ दस्तावेज भंडारण सेवा समझौता ज्ञापन पर दस्तखत कीते। रक्षा मंत्रालय नै आक्खेआ ऐ जे एह्दे कन्नै नौकरी करा'रदे ते रटैर वायु सेना कर्मिं दे महत्वपूर्ण दस्तावेजें दे रक्ख-रखाव च क्रांतिकारी बदलाव औग। मंत्रालय नै आक्खेआ जे भारतीय वायु सेना दे अधिकार तैहत विभाग ते डिवीजन हुन सुरक्षत दस्तावेज भंडारण ते असानी कन्नै रखे जाने आले डिजीटल रिकार्ड, प्रमाण पत्र ते महत्वपूर्ण दस्तावेज राश्ट्री डिजी लॉकर रिपोसीटरी च बगैर कुसै रूकावट दे अपलोड करी सकगंन।

<><><><><><>

Taiwan Quake

ताईवान च अज्ज बडलै मुंह न्हरे 10 बारी भूंचाल दे झटके मसूस कीते गे न। इंदे च सब्बने शा तेज भूंचाल दी तीव्रता 6.1 दर्ज कीती गई। टापुएं सरबंधी केन्द्री मौसम प्रशासन दे मताबक भूंचाल हुलियन शैहर थमां 40 किलोमीटर दे आले दुआले पूर्वी तट पर 18.9 किलोमीटर दी गैहराई कन्नै आया हा। ताईवान राश्ट्रीय अग्नि अजेंसी नै आक्खेआ ऐ जे हुनै तोड़ी नुक्सान दा कोई ब्यौरा नेई थ्होआ ऐ।

मीडिया रिपोर्ट नै दस्सेआ जे भूंचाल मगरा सुनामी सरबंधी चेतावनी नेई देने करी ताईपाई राजधानी च मोबाइल फोन अलार्म शुरू होई गेआ। सरकार नै दस्सेआ जे दो हफते पैहले आए दे 7.4 तीव्रता दे भूंचाल मगरा अज्ज आए दे भूंचाल ओहूदे बाद आले झटके हे।

<><><><><><><><>

Archery World Cup

शंघाई च तीरंदाजी विश्व कप च भारत दी ज्योति सुरेखा बेन्नम ते अभिषेक वर्मा दी कम्पाउड्र मिक्स्ड टीम फाइनल च पुज्जी गई ऐ। भारतीय टीम नै मैक्सिको दी टीम गी हराया जेहूदे च लॉट मिक्सीमो ओर्टीज ते एंज़ीया बैकेरा शामिल हे। ज्योति दी ऐकती कोश्ट ऐ ओ प्रतियोगिता च त्रै सुन्ने दे तगमे हासल करियै हैट्रिक बनाई। ओ पैहले गै महिलाएं दे कम्पाउड्र सेक्शन दे फाइनल ते इक्कले इक्कले मकाबले दे सैमीफाइनल च पुज्जी गेदी ऐ। तोआई दीपिका कुमारी नै कोरिया दी जियोन हुनयंग गी हराइयै महिला कपाउंड दी इक्कले इक्कले मकाबले च सैमीफाइनल च अपनी थाहर पक्की करी लैता दी ऐ।

<><><><><><><><>

Brizil Fire

ब्राजील च पोर्टो एलेग्रे शैहर च बेघर लोकें दे आरजी आसरमे दे तौरा पर इस्तेमाल होआरदे इक होटल च अगग लगने आली इक घटना च घट्टोघट्ट 10एं लोकें दी मौत दी जानकारी ऐ। उत्थूं दे अगग स्थालने सरबंधी मैहकमे दे अधिकारिएं दा आक्खना ऐ जे इमरजंसी आले हालात च कम्म करने आले कर्मचारिएं गारोआ फलोरस्ता च 10एं लोकें दी मौत दी पुश्ति कीती ऐ। जानकारी मूजब एह आरजी आसरमा बिजन कुसै ओपचारिक परमिशन लैते दे चलाया जा करदा हा। अगग स्थालने च कर्मचारिएं गी त्रै घैंटे कोला बी मता समां लगा। केई घायलें दा अस्पतालें च इलाज चलै करदा ऐ। जिंदे चा 11एं दी हालत चिंता आली दस्सी जा'रदी ऐ।

<><><><><><><><>